

Volesse jir a scola!

Na bela mostra sul derit al studie é da poder veder te la Biblioteca del Comun de Sèn Jan a Vich

Scola e sozietà - Lubanga l'à 12 egn e l'é da la Nigeria. I sudé à masciacrà sia familia e i l'à fat doventer n bez sudà. L'à copà chel che - i ge à dit - l'aea copà sia jent. Dapò copér l'é doventà semper piú sorì.

Vasco l'à 10 egn e l'é da Rio de Janeiro, tel Brasil. L vif e l laora sun strèda, lustran ciuzé. Sia mère la é morta, sia giava no la pell mantegnir. La banda ge dèsc protezion, ma la se tol si scioldi.

Fatimatou l'à 12 egn e la é de la Mauritania. Sia familia l'à data desche sposa a n om che l'à emprometù de la rencurèr. L'à jà abù n fi e l'à n gran encrescijum de cësa.

Miriam e Francis l'é doi frèdes de 6 e 7 egn che stèsc te n picol vilaje te la Sierra Leone. Ogne dì i va più outes a pe per chilometres a tor l'èga per cësa con candoles e canistres. Sia mère à abù n picol da pech e i à n auter fra de 3 egn.

Oleg l'à 12 egn e l vif to l'Ucraina, a Nikisino. I à cognù sciampèr da la vera, lascian dut chel che i aea, e canche i à podù jir de return de sia scola l'era restà na majia de sasc.

Josef l vegn dal Congo, l'à 8 egn e l laora te na miniera de coltan, n mineral prezios che serf per i fonins. Desche n muion de etres bec de so Paisl cogn lurèr dut l di, duc i dis.

Namond l'à 13 egn e l vif a Baltimore, ti USA, l'é pedimentà e no l'azetà da sia familia, che la se tegn de mèl e la l tegn te cësa.

Idrissa l'à 10 egn e l vegn dal Mali, con sie père, doventà verc, l cogn jir te la capitala Bamako a se l preèr o



La fegures che conta la stories de n muie de bec tel mond che volessa jir a scola, ma no i pel.

chierir de veder picola robes fates a man, per portèr a cësa mingol de scioldi.

Duc chisc bec i volessa jir a scola, ma no i pel. I conta sia storia a Vich, te Biblioteca. Se sà ben no de persona: sia stories é scrites su na lingia de fegures, silhouettes de legn neigher. Se trata de la mostra "Seduti intorno alla lavagna", na instalazion sul derit al studie de la sociatzion "A scuola di Solidarità", rencurèda da Giovanna Luisa Rama, che de gra a la disponibilità de la responsàbola Barbara Pederiva se pel veder enfin ai 28 de november te la Biblioteca del Comun de Sèn Jan.

A portèr te Fascia chesta bela mostra l'é stat la professora Barbara Bonu, referenta per l'integrazion de la Scola ladina de Fascia, che l'à endrezà ence na lingia de laboratoires per i bec de IV e V populèra de duta

la val.

Con la professora Bonu i bec à podù lejer e lurèr su la stories de chisc bec, pissér e entener che l derit a l'istruzion a n muie l ge vogn neà e che la scola, che vèlch outa nos considron con festidech, l'é n ensomech per n muie de bec.

I scolees à tout pèrt con gran enteress ai laboratories e i à lascià sul liber de la firmes n muie de bela paroles e considirazzions da fondament. Sun chest gran liber, che compagna la mostra te sie lonch viac peà via del 2016 da Rorei, l'é stat tacà sù ogne tant japede o sunsom la piates vèlch bel pensier che revèrda l'ensegnament, e l'é stat na bela marevea veder che adinfal, apontin te la piates con i pensieres di bec fascegn, l'era i scrit de Gianfranco Zavalloni, stat diretor didatisch te Fascia per vèlch an dal 1996 e dapò mort amò joen del 2012.



La professora Barbara Bonu endèna i laboratoires coi bec sul derit al studie.

Sociatzion "Helambu" de Fiem e Fascia, l'autra l'é na mostra de carieghes de n muie de Paijes.

Carieghes da dut l mond

La é dalbon coriousa e enteressanta, chesta esposizion de carieghes, seles e sentarelos, de ogne sort. De legn, de fer, de pel, de stram o de teilla. Granes e riches con schenèl e enschinamai da nanieres, o tant picoles da poder se les meter sot n brac o te na bolga per les portèr stroz. Toc unics e artistics luré o depenc a man, tradizionèi o modergn e con soluzions de gran enjegrn, o tiré ensema con materièi da trèr demez. Se pel peèr via dal tapé de l'Iran, per se fer na raida entorn a dut l mond, passan dal puff del Maroch al piumac de stram del Nepal, da la seles de legn fates dut te n toch a cheles te doi toc, che se destaca per les portèr stroz sori, durèdes te desvalives lesc de l'Africa; da la bela sela depenta del Giapon al scagn puret de l'Albania e da la cariega de pel de l'Argentina a chela fata coi engranajes de la roda tel Mali. Na mostra che ne disc: dime olache te te sentes, e te diré chi che t'es.

Lucia Gross



Dassen coriousa e enteressanta la mostra de carieghes de ogne sort.



Na pèrt de l'esposizion é dedichèda a retrac de scoles stroz per l mond.